

AMAITU BEDI GUDALDIA

Zorionik ez, kezketan beti
negarrez ama tristia;
indar aundiko seme galantak
—ja, zer gudari-taldia! —
echetik... ¡nora! irten dira ta
bilusik dago echia.

Nabaitu nayaz bere semeak
daramakiten bidia
leyatillatik... urruti dauka
begirakuna josia.
Gero ... malkoen lauso beroaz
illundu zaio guzia!

Inguru soila, mutil koskor bat
oraindik oso guztia
ama gasuak besarkatzen du
esanaz: nere semia,
zure anayak irten dira ta
erregu zazu maitia.

Baña umeak bere aditza
nolabait ere ordia
ez daukat ori ezagutzeko
arena bezin argia,
¡amacho—diyo—, gose nago-ta
ekarri bezait ogia!

Lenaztik etzan egon beñere
baserri ain arlotia,
etziran inoiz labur arkitu
ormai ta sukaldia;
jarto-zati bat beste gauzik ez
orain malkotan bustia!

Gogor jausi da negu beltzaren
eraso zatilaria
bere listorraz sumiñdutzera
biotz barrengo zauria.
¡Nork ez negartu bakar gasoen
izaro kupigarria!

Lagatz gañeko kear-zulotik
chistula dator aizia,
t'onek an inoiz arrotzen duan
auts-peko chingar bizia
baño bizi ta sumiñago da
amaren malko larria.

Geroztik ez da beñere jardun
bord'inguruko choria
tantai gañetik pozez agurtzen
len bezela goiz-argia...
¡Ekaitz alditan nayago du ark
zuaitza baño larpia!

Ergal maitien jabe dabiltz or
otzikara ta gosia
gero ta geigo miñeriturik
alargun doakabia.
¡Eskerrak emen utsik ez dagon
iñoren borondatia!

Gajuak orla igar'ondoren
negarrez urte luzia
gau t'egun anche bakar-bakarrik
laztanduaz bata bestia
azkenerako noizbait badator
zerbaiten albiristia...

Mendi tartian ezkutatzera
dijoala eguzkia
seme bakar bat amaren gana
egñaz pauso geldia
goiberaturik or etorri da
urrundu zana zutia.

Alper-alperrik amak dagio
beste anayen geldia;
¡il ziran!.. t'orain oni bakarrik
etsaien jazarraldia
azkendu garaiz irichi zaio
echeratzeko zoria.

Nola bada zerk poztu lezake
oien biotz barrunbia;
zeñek erazi ama semien
ezpañetara irria?
¡O zer astuna berolek orla
daramaten gurutzia!

.....

.....

¡Agintariak: etzazutela
beartu geigo erria,
maite zazute ziñez ta benaz
chiro dan maitagarria!
¡Arren odolez! ez bei orbandu
euskeldunen jatorria!

EMETERIO ARRESE

